

Negerhollands

in Wikipedia, die vrye ensiklopedie

Negerhollands is 'n Zeeuwse kreooltaal wat op die Deense Wes-Indië, wat nou as die Amerikaanse Maagde-eilande bekendstaan, gepraat is. Nederlands was die basis daarvan met invloede uit Deens, Engels, Frans, Spaans en Afrika-tale.

Morawiese en Deense sendelinge het 'n formele weergawe van die taal gevestig, wat as Hoog-Kreol bekend staan. In 1770 het hulle die eerste leerboek en 'n klein Lutherse kategismus gepubliseer, wat met 'n vertaling van die Nuwe Testament in 1781 gevolg is.

Die taal het aan die begin van 19de eeu begin verval toe Engels die oorheersende taal op die eilande geword het. Die Lutherse Kerk het diens in die taal vir die inboorlinggemeente tot die 1830's gehou. Die nuwe generasies het Engels as eerste taal begin leer en het stadig opgehou om Negerhollands te praat en dit het beperk tot kerkdienste geword. In alle waarskynlikheid was Mrs Alice Stevenson die laaste spreker, wat in 1987 gesterf het.

Mense het Negerhollands tot die 20ste eeu op die Morawiese Weeshuis by Nyherrehut naby Tutu aangehou praat. Die ou weeskinders was destyds vrywilligers en dus het hulle die ou kreool gepraat.

Negerhollands Papiamentu

Gepraat in:  Amerikaanse Maagde-eilande

Gebied: Karibiese See

Totale sprekers: *uitgestorf*

Taalfamilie:
Germaans
Wes-Germaans
Nederfrankies
Nederlands
Negerhollands

Skrifstelsel: Latynse alfabet

Amptelike status

Amptelike taal in: *geen*

Gereguleer deur: *geen*

Taalkodes

ISO 639-1: *geen*

ISO 639-2:

ISO 639-3: dcr (<http://www.sil.org/iso639-3/documentation.asp?id=dcr>)

Nota: Hierdie bladsy kan IFA fonetiese simbole in Unicode bevat.

Ontsluit van "<https://af.wikipedia.org/w/index.php?title=Negerhollands&oldid=1622201>"

Die bladsy is laas op 19 November 2017 om 20:40 bygewerk.

Die teks is beskikbaar onder die lisensie Creative Commons Erkenning-Insgelyks Deel. Aanvullende voorwaardes kan moontlik ook van toepassing wees. Sien die Algemene Voorwaardes vir meer inligting.